

# Newsletter

Nr. 4, Avrìgl 2014



---

En il fratemp sa fa la primavaira era remartgar a Tavau. Era sch'ins vesa en lieus sumbrivauns anc qua e là in flatg da naiv, annunzia il verd che crescha dapertut l'arrivada da la proxima stagiun. E cun l'entschatta da la stad sa legra l'entira Svizra sin la Festa federala dals jodladers dals 3 fin ils 6 da fanadur 2014 a Tavau Claustra.



coop



SWISSLOS

DAVOS  
KLOSTERS



Foto: Hochschule Luzern/Reflector Visuelle Gestaltung

L'occurrentza gronda cumenza gia la gievgia cun in forum davart il tema «Jau e nossas tradiziuns». Tge manegiain nus insumma cun il term «tradiziun»? Co vegnan las generaziuns futuras a viver e resentir nossas tradiziuns dad oz? En il rom d'in project da perscrutaziun envida il departament da musica da la Scola auta da Lucerna actualmain ils commembers da l'Associaziun federala da jodladers (AFJ) da preschentar cun agid d'ina fotografia lur imaginaziuns da tradiziun en connex cun jodlar, sunar la tiba e bittar bandieras. A maun da las fotografias inoltradas realisescha ella ina preschentaziun da dias che vegn mussada ils 3 da fanadur en il center da congress da Tavau per l'entschatta da la Festa federala dals jodladers. Ultra da quai rapporta l'AFJ davart ils resultats dal project en ina publicaziun che cumpara la fin da l'onn. L'ultim termin per inoltrar las fotografias è ils 30 d'avrigl. Ulteriuras infurmaziuns e las cundiziuns da participaziun èn da chattar sin: [www.hslu.ch/traditionen](http://www.hslu.ch/traditionen).

Era quels che ston restar a chasa pon esser live da la partida a la Festa federala dals jodladers 2014 a Tavau. Da venderdi, ils 4, fin dumengia, ils 6 da fanadur, rapportan SRF 1, Radio SRF Musikwelle sco era diversas staziuns da radio d'autras regiuns linguisticas da la SRG SSR en directa dal pli grond inscunter da jodladers, bittabandieras e sunatibas da la Svizra.

Venderdi, ils 4 da fanadur 2014, retschaiva il moderatur Beat Tschümperlin da SRF Musikwelle a partir da las 20.00 en l'emissiun populara en directa «Zoogä-n-am Boogä» numerusas furmaziuns da musica populara e gruppas da jodladers sco era giasts da discussiun interessants.

Radio SRF Musikwelle emetta sonda a partir da las 10.00 en directa da la festa dals jodladers. Il Grischun Martin Wittwer moderescha, entant ch'ils experts da la musica da jodel da SRF, Sämi Studer e Guido Rügge, rimnan sin l'areal da festa impressiuns da l'atmosfera e dals tocs da concorrenza.

La dumengia en damaun tranter las 11.00 e las 12.00 beneventa l'emissiun «SRF Musikwelle Brunch» numerus giasts.

# Newsletter

La messa dals jodladers da dumengia, ils 6 da fanadur, vegn trasmessa a partir da las 11.00 live en l'emissiun «Sternstunde Religion» sin SRF 1.

La dumengia suentermezdi a partir da las 14.15 emetta SRF 1 il grond cortegi tras Tavau. Quest eveniment vegn commentà dals dus moderaturs da SRF Nicolas Senn e Sämi Studer.

Sper Radio SRF èn preschentas a Tavau era staziuns da radio da las autras regiuns linguisticas da la SSR. Uschia emetta Radio RTS la 1ère sonda, ils 5 da fanadur, a partir da las 11.00 sia emissiun «Le Kiosque à musiques» en directa da la Festa federala dals jodladers. E RTR preschenta da gievgia fin dumengia regularmain sia emissiun «Artg musical» da Tavau.

Ultra da quai mussa SRF 1 sonda, ils 12 da fanadur, a las 18.15 l'emissiun «Potzmusig unterwegs» cun Nicolas Senn da la festa dals jodladers a Tavau. La registraziun vegn fatga sonda a partir da las 19.00 sin la gronda tribuna da SRF. Nicolas Senn beneventa numerusas persunalitads da la scena da jodladers e da la musica populara, tranter auter ils Davoser Ländlerfründa sco era las jodladras Marie-Theres von Gunten e Nadja Räss, accumpagnadas da l'accordeonist Willi Valotti.

